



KESTISTET IGLEGHUTISTENGITA AMA NAKMIKIM YUVGHILLGHAN 2020 AAPGHWAALLGHA

APELLGHAT US-EM KESTISTENGITA
KAYUTANGITA
KELENGAKISTENGITNENG
117-EM CONGRESS-NGANUN

Yuvghiilleghpigaa

2004-meng ima, US-em Kestistengita Kayutangita Kelengakistengat (KEK) iglehutaqaat Kestistet Igleghutistengitalu Nakmikimllu Yuvghiillgha (KINY) nakmillghita kavemem kingungitneng. KINY-t aaptaqiiit qamaglluki 50 state-esetlu, District of Columbia-nkutlu, tallimat US-em nunangit – Amarakam Samoa-nga, Guam, Ayguqlighnegha Mariana-t Qiighqii, Peurto Rico, enkaam US-em Virgin Qiighqii- kelgunnaluki naten Amarakaghmiit nakmikiitqutangillu ama naten kestillghit iglehutaqutangi. Ima 2008-meng una qepghaqaq allakaan yuvghiilleq, Kestistet Igleghutistengita Liilightsusiita Yuvghiillgha (LY), qerngughta qegkangit liisimakegkat state-et liilightsusiitnengllu maligtekayugitnengllu ama iglehutillghitnengllu.

KINY-t aapghaqiiit uglallghit liisimakegkat state-etlu city-tlu iglehutistengita kesistet ukaani United State-eni. Maakut liisimakegkat elngaatal kayutngwaaqut kestistetnunllu liilightsusangllaghtenunllu ama ilangitnun kesistet kelgutaqiiit atuqusitlu, nasighaghnaqutkaqiiitlu enkaam allangughtaqaqiiit nakmiikistet aklukegkiiitngeng, qerngughtiiqut piniightaghaghnaaluki kestistet iglehutillghit ama nakmiikistet pillghit ama piniightaghaghnaaluki iglehutillgha iknaqelghii US-em kestistengit. KINY-t liisimakegkaat yuvghiighnaghtestaqaq yuvghiighlleghaqaa US-em kestistengita igleghnegha ama liigknaghtesqellukullu kestistet igleghneghat enkaam iglehutillghet kukragnallghit kestistet atuqellghat. Yuvghiillghem tuunaqii liilightsusangllaghtet ama qaagkut megnunalgheet liisimakegkat malghukaghtiiita uksut naten kavemem kestillghit piiqutangi ama kayusiitaqiiit LY-et allgeghaqaqiiit kavemet pistellghita apegghyaghqiiitneng. KINY-et ama kayutngwaaqut kestistenun atuqaqetkangit liisimakegkat igleghusaghqaluki kestillghem kelengallgha, iglehutaqaat afkuyam yuvghiillgha ama agghitkesaghqaluki enkaam ulimatesqelluki peggqisaasimengllu unghipaasimengllu ulimasaghqaluki. LY-et ama KINY-t liisimakegkiiit atuqaqiiit allgeghutesqelluki manilghutameng anglisaghqaaluki qepghaqaat ama kasyusiitaghaghnaaluki kestistetlu nakmikistetlu ama unghipisaghqaluki liilightsusangllaghtet ama kavemem qepghaghtengi naten saaqutangi kavemem nakmikillghan liilightsusiita ama allangughnegha US-em kestillgha.

2020-m nakmikelleghpigaa elngaatal allangughtestekaqaq yakughniillghan COVID-19-em. Yakughniillghemllu yugunqunnaqellghemllu piyaqiiillghan qafsinaghqaa allangughtelleq atuqusiqaqngitneng nakmikillgha awavantungasqellukillu ama ukavaghghnaqutkumaan mingiqellgha qinuyugnaq nakmiightetlu, qepghaghtengitlu ama kestistet iglehutistengitlu qepghaghtengitlu. Tamaana maliglluku ughat states-et allgeghunnaqutkaat tawanlluki nakmiillghet nakmiighvik sivutghulluku ama mail-egtun ayuqelghiiit nakmiikillghet. 2020-m KEK-nga allangughtekaaguq qepghaqaq, angellghukaguqlu yuvghiighwaallgha kestistet iglehutisteghita United Stat-em, enkaam qepghaattistii kelengakwhaaghlu paqnanangunaan. Whavemun LY-et quyanatan kelgusugaat 2020-m KINY-nga 117th-em Congress-nganun.

Uum apellghem aapghwaaghii naten 2020-m kavemengan nakmikelleghpigaan iglehutkaatanga ama naten nakmikistet nakmikikatangi. Liisimakelleq KINY-meng ama Kestillghem Igleghutillghan Liilightsusaan Yuvghiillghaneng (LY) atuqaqiiit kestillghem iglehutillgha esghiiisqelluku maakuneng:

- Kinkut piyaatellghatlu, naten nakmiikillghatlu, nakmiighvigetlu, qepghaghtengitlu ama kestillghem iglehutillghallu apegghluteng ayuqut sivulighneghani igam, “Esghallgha Kestillghem iglehutillghallu ama 2020-mi Nakmikilleq Nakmilleghpigaan”;



- Liiligtusam angenghi, maligsaghqat, ama igleghneghet maligtaqegkangit US-em kestistengi aapghiit tuunglighneghan igam, “Kestillghem Liiligtusaa ama Ighleghnegha: Maligsaghqam Yuvghiillgah”;
- Nakmikistem ilaughvigi ama igaqullghem nallghughqullghi aapeghngaata pingayighneghani igam, “Nakmikistem Ilaughviga: NRVA-enkut enkaam taagnanga”;
- Nakmikilghiit allakaghtameng aapghiit Armitlu Akmantullghiit Aviilluteng Nakmikilghiit Qepghaghlla aapghaa estaamighneghani igam, “Armitlu Akmanlluki Nakmikilghiit 2020-mi: AAANQ”;
- Kinungjiiluku, naten igleghutillgha KINI-m ama apellgha yuvghiillghem aapqughwaallghi aapeghngaata tallimighneghani igam, “Yuvghiillghem Igleghutillgha ama Qepghallghi.”

Nakmikilleq ama Kestistet Igleghutistengita Naalkegkiit

2020-m KINY-ngan nallghughqaa 2020-m nakmikilleghpigaa uglalleghpigaqeftaa apeghiillgha alngunak kavemem nakmikillghaneng KINY-t esghagllghitni, 67.7% Yuget Nakmikistem Yugtulangan Uglaghtalnga (YNYU) nakmikikat kesutkegkat, 6.7% uglaghataghaghpetaut 2016-meng. Qamagtevizhgluteng States-et nulamalghiit nakmikiyat 2016-em KINY-nganeng nasighalghiini. Qunereng 209 million yugyaget taawa ilaquutngaftut nakmikistenguluteng 2020-m nakmikilleghpigani, piiqelleghmengen uglalleghpigaaftuq, enkaam 161 million-meng uglaghataghagluku nakmikistet nakmikiyamalghiit uumi kestilleghmi.

Uumi kestilleghmi allangughtaataamalghii naken nakmikistet nakmikikatangi. 2016-em KINY-ngani 54.5% nakmikistet nakmikimalghiit gginasaghluki Nakmikilleghpigami, enkaam 2018-em KINY-nangi 58.2% nakmikistet tawaten pimalghiit. 2020-mi 30.5%-nginaat gginasaghluteng nakmikistet nakmikimalghiit nakmikilleghpigami. Nakmikilghiit tuyughluki nulamalghiit 43.1%-mun, 20%-evziq anglaghataghaghtuq 2016-em pillghaneng. Yuvghiillghitni taawa nulallghi tuyughluki nakmikillghet states-enitkaaftut tuyughikayuugtekani 2020-mi, ama states-eni iinghusiighutkat tuyughiluki nakmikilleghmeng. Asangsi 2020-mi malghughqegkaagngaana tuyughluki nakmikigkat 2016-em pinganeng, tuyuqiit uutghutkiit nakmikistenun, kesutngukat, ama ighsakegkiit, allangughtellghit tamanganeng.

States-et aapghaat 132,556 nakmikiviget 775,101 qepghaghtetumaghemeng kayusighiit nakmikistet gginasaghluki nakmikilleghpigaghami. Amalleqa liisimakellghem kelgutaa yugtulanqi qepghaghtem allangunghniluki, nakmikistem qepghaghtengi 18-meng 25-mun nulamalghiit 6.2%, enkaam 26-meng 40-mun yugtutkalghiit nulamalghiit 15%, enkaam ama 61-meng 70-mun taagavek nuyeklinunllu qepghaghtengi ukavaamalghiit, 61-meng 70-mun ukavaamalghiit 27.3% enkaam nuyeklilleghpigat 20.1% palallimaat. Pivigetlu aapghiit qepghaghtengnaqelleq nakmikivignun piyaqniitaghamaalghii 2020-mi 2016-em pillghaneng. Yuvghiillghita apellghitni uglaghluteng piviget aapghaat sagiqeghlallghisimalghiit qepghaghtengnaqneghemeng. Pivivet aapghiit COVID-19-em yakughniillghan piyaqnaghtaaghagsimakanga nuyekliit qepghaghtekneghemeng, enkaam ketamsawha qepghaghtet aklunaghsiimalghiit iwernga KEK-tlu state-et kestistengita

qepghaghvigitlu ama ilangitallu kayutemllu ilutughsaghamakangit ilangit qepghaghtenguluki nakmikisteneni. Tamakut aapghumakangat kayutngupiguniluku nulaghaghteghllagniluku nakmikivigem qepghaghtengit ilangitni.

States-et aapghiiit kamyuterkun ayuqelghiiit atuqellghit nulamaniluki ima 2018-em KINY-nganeng, ama 17-et states-et atuqumakangit kamyuterkun ayuqelghiiit nakmikillghit. Scanner-et ama nakmikim terellghillu (NT) paninang atuqumtaaqngukaamalghiiit nakmikimun ama igaqelleghpigat kumaghtekayuget kanaghqefikellghiteftut nakmikim pinganeng, enkaam ukaavaamanginaamalghiiit. 2020-mi 32 piviget nunaghllagmi kiyang atuqumakangit igakun ayuqenghilinghugmeng.

Kestim Igleghutistengita Liilightsusaan Yuvghiiillghan Naalkegkii

Ilannaluki liisimakellghanun states-et apellghit KINY-mi, KEK-t tugulaghaqiiit liisimakegkat states-et kestillghan maligsaghqii. Maalghum pingayughqellghan states-et aapghumalghiiit quulmeng asitmun ilaquutellelgumalghiiit ataasikun pesigneghun nallighmeng pighpigaagnegun state-em igleghutngukangek imiqughngalghiiik yumangita pivigitneng; ilaanga pingayughqellghem states-et aapghaat saamken quulmun nalighmeng malghughqengngalghiiimeng apegghvigi. Kiyang states-et aapghaat aapghututaqluku liisimakelleq ID-ngllaghvigtteggunllu kavememllu qepghaghvigi tuqukaneng aapghaqelghiiineng, ama anusimengllaghvigemllu liisimakegkaaneng ataasiighmetestii nakmiikistet ilaqullghit. Ataasimi ilatelleghmillu (51.8%) ama kamyuterkun ilatelleq (80.4%) nulaamalghii states-eni 2018-em Liilightsusiita Yuvghiiillghaneng ima.

Liilightsusiita Yuvghiiillghan ama aapghaa nulamaniluki state-et maligsaghqiiit paqngighsaghnaluki nakmikistenun nalighmeng nulaghllagnayukata utaqiillghiiit. 2020-mi 14 states-et aapghiiit tuyuqaghhiinaghmeng nakmikimaniluki, tuyuqaqeftiit nakmikisqelluki qamaglluki ilatkanun nakmikistenun-10 states-et tuyuqayugginaghmeng pimalghiiit, iwernga estamat ukuneng pimalghiiit nalighneghhiiniit. Nulakaamalghii 2018-em Liilightsusaan Yuvghiiillghameng, tamaani pingayut states-et tuyuqayugginaghteggun pikaqeftiit, enkaam estaamat states-et nalighneghhiiniitni pimalghiiit. Amalleqa 69.6% states-et aapunneghisaghngaaghmeng tuyuqayugkun nakmikikaamalghiiit (maaghraghvinlek states-et iqiisimakangat aaputellghiteng 2018-em Liilightsusaan Yuvghiiillghaneng), ama 51.8% states-et aapqaqeftaat kamyuterkun ayuqelghiiikun piyugnaghtesimakangat. Yeqay apellghisimakanga Liilightsusaan Yuvghiiillghan liisimakegkaq maligsaghqat allangughtellghi quunpekaghtaatangit nalighmeng natengiighhaatangit, nalighmeng allangughtellghet COVID-19-em yakughniillghaneng apalluqtangit.

Qamagtevezighluteng states-et aapghiiit nakmiighusit nanghiqwaagsaghqaqeftiit ama itagnaqsaghqaqiiit atuqsaghqaaghfagilgata, itagnqelleghpigaat nanghiqwaaqeftiit KEK-neng ayuqelghiiit yuvghiiighviget, itagnaqelleq KEK-enkut tugukliqiiit Ellmeggneng Nakmikillghet Igleghneghit Maligsaghqiiit (ENIM), ama state-emllu kavememllu itagnaqellghit. 2020-mi 40 states-eneng aapqiiit kamputer-kun ayuqelghiiit nakmiillghet igat atuqegkiiit, 55%



nanghiquyaghqaqeftiitlu itagnaqsaghqaqeftiitlu state-em piyukellghitnun tukfighvagilgatkki kamyuterkun ayuqelghit igat.

Kestillghem kingunganeng, 78.6% states-et aapghaat yuvghiighwaaghyaghqaaftut qaywa nakmikisit atuqngutangki kestisiiluki nakmikegkanun pinitun. Ukuneng states-eneng 75% yuvghiighwaaghyaghqaamalghit pikusimestun (yuvghiighaqiit nalignneghi nakmikellghem alngunagneng naligneng nakmighusiineng), yeqay tallimaghqellghem states-et yuvghiighyaghqaaftut afkuyiinnaqepiglluki (nalignneghi yuvghiiqayugiit aavgughluki). Qamaglluteng states-et aapghit naten kestaqutangki nakmikillghet, iwerngaun natetaqluteng ayuqut kesneqigsaghqaakata allakaqaghtaghmeng states-et.

Naalkellghi lingunaghmeng Nakmikistet Ilatellghat Pillgha (INIP)

2020-m KINY-ngan liisimakegkaani kelguvikaa nakmikim ilaquutaatallgha 2020-m nakmikilleghpiiga 88.2%-nguniluku YNYU-meng, nulakaaftuq 3.5% 2016-em KINY-nganeng. 103 Million-meng uglaghataghalghit igat tuunkaauftut ilaannaluteng ima umellghaneng ilaquutem 2018-em nakmikilleghpiganeng umellghanun 2020-m nakmikilleghpiganun, 33.8% nulakaaftut ilaquunnaluteng igat allgeghtekiit taakwavek ima 2016-em nakmikilleghpiganun. Allgeghtekaaneng ilaquunnaqeneng iganeng kiyang nutaghhnaluki nakmikistet ilatellghita igaghpiganeng nuugnaqenghilngughneng. Whatelnguut nutaghtellghet avellghuftut nakmikistet ilatellghit allgeghtekiit. Nutaghatlu itagnalghitlu ilaquutellghet nakmikistet nutaan ilannaqelghit nalignneghitni pingayughqellghuftut allgeghtekiit.

Qavngaghniistun KINY-nkut pillghitni, kiyang ID-ngllaghviget angelqeftiit aapghututellghit ilatellghem iganeng (39.3%). Tuunglii angellgha maaken iganeng kamyuterkun ilatellghet, 28.2% iganeng ilannaqeng. Kamyuterkun ilannaqelleq uglalleghpigakaaftuq anglillgha ilaquullghiineng KINY-nkut esghamakellghitni.

29 states-et ama nunatat, tawani aghneghmi ilatestikayuget nakmikistet (TAIN), aapghit 1.6 million-meng uglaghataghalghiineng TAIN-eneng 2020 nakmikilleghpiganu, 2018-em KINY-nganeng malghughqelluni. TAIN-et nakmikestekayugiit tawani aghneghmi atasimi ilatellghitni. Tamaghhitni Amarakami TAIN-engataghaghtut nakmikivigem aghneghani nakmikiyaghalleghmeng.

INIP-et aligakluki piyukellghitneng states-et aapghit 28 million-meng uglaghataghalghluku tuyughikaniluki aapghit states-et lataneng itagnaqellghmeng enkaam iqitaqiit 18 million-meng uglaghataghalghluku ilaquutellghet nakmikistet igitneng nakmikistet ilannaqellghet kelgutellghitneng umellghaneng 2018-em nakmikilleghpiganeng ama umellghanun 2020-m nakmikilleghpiganeng. Kiyang iqitaqeftiit nakmikistem ilatellghit qayughllak kiimsimangilkangit latat itagnaqellghemeng ama nakmikisqelluki kinguliigni maalghek kavemem

nakmikilleghpigiigni, nalignmeng nuugtellghitneng ilatfigitneng nakmikillghitneng nalignmeng nakmikistem tuqullghaneng.

Naalkellghit Armitlu Akmanlenguutlu Aviitellghitni Nakmikilleq (AAAN)

States-et aapghit allgeghsimaniluki 1.2 million-meng uglaghataghaghluu nakmikillghet AAAN-et nakmikistengitnun-yugitneng armingulghit ukegken aviiluki nakmikivigitni, nengllungutangitlu, ama Amarakaghmiit ilangitni nunani kiyaghllaghhiit aflengakngukangit kavemem AAAN-em liilighuusaan. Tamaakut allgeghtekiit nakmikillghet 900,000-meng uglalghii uutghutkaaftut nakmikisteneng enkaam 890,000-evziq kestekaaftut kestilleghmi.

Maliglluku pikusiq piinliqaq 2016-em KINY-nganeng, 2020-mi, ilangitnilnguug nunaghmiingit uglallghuftut AAAN-em uglaghtalanganeng armiriiqat ama nengllugutangitlu. 2020-mi ilangitnilnguut nunani 57.4%-ngukaaftut AAAN-et nakmikistengitni enkaam armit yugit 42.3%-ngukaaftut. Pingayut states-et-California, Florida ama Washington-40%-meng uglavleghataghaghluu ilatkaaftut nakmikistet AAAN-eneng apeghllghitni tamaghhiitneng.

Arminilnguut nakmikistet, aapqaqeftiit tuyughluki kiyang pikaqeftiit (avellghit nakmikillghet armit nakmikistengitnun pikaaftut), iwernga ilangitnilnguut nakmikistet kiyang kamyuter-kun tuyuqaqeftiit ellmeng nakmikilleteng (70.9%-ngukaaftut nakmikillghit tuyuqiit allanilngughnun nunanun).

98%-evziq AAAN-et nakmikellghet uutghutkiit nakmikistet aapaqeftiit kestengngwaaqaaluki, 2%-meng uglaveghaluku nakmikillghet uutghutkaaftut seghleghuniluki. Tamaghaaneng 33,000-meng uglaghluku Kavemem Igaqegkat Avilluteng Nakmikellghet (KIAN) aapqaqeftiit kaatkaaniluki. Una igaq tuunyaghngaaghmi AAAN-et nakmikistengitneng avangitepiglleghiini nakmikilleq kestistet qepghaghtengita allgeghhneghilangatki angisaghqaaluki. KIAN-et 24,000-evziq kesutngustekaqeftiit AAAN-et nakmikistengit 2020-m nakmikilleghpigi.



Una unqipalleq US-em Kestistengita Kayutangita Kelengakistengat allgeghekaaguq muutilluni qerngughqughnaluku ama yuvghiighwaaghnaluku 2020-m Kestistet Igleghutistengitalu Nakmikimllu Yuvghiillgha. Muutilleq Fors Marsh Group LLC-nkut qepghaatkaqaat, qepghaghtenguut yuvghiightet Arlington, VA-metut.

Ulimakaq Palighvigmi 2021

US-em Kestistengita Kayutangita Kelengakistengat

633 3rd Street NW, Suite 200

Washington, DC 2000

www.eac.gov